



Broj:02-05-2-1474-6/15
Goražde, 01.08.2016.godine

Na osnovu člana 70. Stav 1., 3. i 6. Zakona o javnim nabavkama ("Službeni glasnik BiH" br.39/14) u postupku javne nabavke putem otvorenog postupka za nabavku radova po projektu "Razvoj infrastrukture u Općini Goražde" – LOT 6 - Izvođenje radova na rekonstrukciji lokalnog puta Mravinjac-Berič u Goraždu, Načelnik Općine donosi:

O D L U K U

o izboru najpovoljnijeg ponuđača za LOT 6 - Izvođenje radova na rekonstrukciji lokalnog puta Mravinjac-Berič u Goraždu

I

Ovom Odlukom se prihvata preporuka Komisije za provođenje tenderske procedure za javnu nabavku radova po projektu "Razvoj infrastrukture u Općini Goražde", te se za LOT 6 - Izvođenje radova na rekonstrukciji lokalnog puta Mravinjac-Berič u Goraždu, prihvata ponuda ponuđača „OKAC“ d.o.o. Goražde sa ukupnom cijenom ponude **3.476.833,71 KM**.

II

Ova Odluka će se objaviti na web stranici Općine Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke po isteku roka od 15 dana od datuma Obavještenja ponuđača, Općina Goražde će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora dostaviti ugovornom organu original ili ovjerene fotokopije dokaza o ispunjavanju uslova u pogledu lične sposobnosti iz člana 45., kao i dokumente iz člana 47. Stav 1. Tačka c) I d) Zakona o javnim nabavkama.

Ukoliko ne postupi u skladu sa ovom obavezom ugovorni organ će ponuditi zaključenje ugovora drugoplasiranom ponuđaču.

O b r a z l o ž e n j e

Načelnik općine Goražde je dana 07.01.2015. godine donio Rješenje o pokretanju postupka javne nabavke za nabavku radova po projektu "Razvoj infrastrukture u Općini Goražde" broj 02-05-2-1747/15 od 07.01.2015. godine.

Na osnovu navedenog rješenja objavljeno je Obavještenje o javnoj nabavci na portalu javnih nabavki dana 13.04.2015. godine, dok je sažetak obavještenja o javnoj nabavci objavljen u „Službenom glasniku BiH” broj 32/15, Ispravka Obavještenja o nabavci objavljena na Portalu javnih nabavki dana 25.05.2015. godine, a sažetak ispravke objavljen u „Službenom glasniku BiH” broj 43/15.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 10.06.2015. godine.

Komisija za provođenje procedure javne nabavke imenovana gore pomenutim rješenjem Načelnika Općine Goražde dostavila je izvještaj o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za LOT 6 - Izvođenje radova na rekonstrukciji lokalnog puta Mravinjac-Berič u Goraždu dostavljene ponude od strane sljedećih ponuđača: „Goraždeputevi“ d.d. Goražde i „OKAC“ d.o.o. Goražde,
- da ponude ponuđača „Goraždeputevi“ d.d. Goražde i „OKAC“ d.o.o. Goražde ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, uslove u pogledu ekonomsko finansijske podobnosti kao i tehničke i profesionalne sposobnosti ponuđača koji su postavljeni tenderom,
- da je ponuda ponuđača „OKAC“ d.o.o. Goražde prema kriteriju „najniža cijena“ prvoplasirana na rang listi uspješnih ponuđača.

Komisija za provođenje postupka javne nabavke radova po projektu “Razvoj infrastrukture u Općini Goražde” predložila je Načelniku Općine Goražde da za LOT 6 - Izvođenje radova na rekonstrukciji lokalnog puta Mravinjac-Berič u Goraždu donošenje Odluke o prihvatanju ponude ponuđača „OKAC“ d.o.o. Goražde i istom ponuđaču dodjeli ugovor o ustupanju navedenih radova, budući da je ponuda navedenog ponuđača na osnovu rezultata pregleda i ocjene ponuda, po kriteriju najniže cijene, ocjenjena kao najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena, pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjeka.

DOSTAVITI:

1. Ponuđačima,
2. u spis,
3. a/a

